

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

ঢাকা, মঙ্গলবার ২৫ অক্টোবর ২০১৬, ১০ কার্তিক ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। ভোট কেন্দ্রভিত্তিক কমিটি গঠন করে ভোটারদের কাছে যান
: আওয়ামী লীগের জেলা নেতৃবৃন্দের প্রতি প্রধানমন্ত্রী
- ২। খেতাবপ্রাপ্ত ও যুদ্ধাহত মুক্তিযোদ্ধা এবং শহীদ পরিবারের ভাতা বেড়েছে
: মন্ত্রিসভা কমিটির বৈঠকে সিদ্ধান্ত
- ৩। দুর্নীতির বিরুদ্ধে গণসচেতনতা গড়ে তুলতে হবে : রাষ্ট্রপতি
- ৪। আওয়ামী লীগই অসহায় মানুষের পাশে দাঁড়ায় : স্বরাষ্ট্রমন্ত্রী
- ৫। রাজনৈতিক জীবনের সর্বোচ্চ স্বীকৃতি পেয়েছি দলকে তৃণমূল পর্যন্ত শক্তিশালী করতে চাই
: সংবাদ সম্মেলনে আওয়ামী লীগের সাধারণ সম্পাদক এবং সড়ক পরিবহণ ও সেতুমন্ত্রী
- ৬। ঢাকায় পররাষ্ট্র সচিব পর্যায়ের বৈঠকে বাংলাদেশের সঙ্গে সম্পর্ক দৃঢ় করতে আগ্রহী গ্রিস
- ৭। পিছিয়ে পড়া জনগোষ্ঠীকে এগিয়ে নিতে কাজ করছে সরকার
: প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা
- ৮। ষোড়শ সংশোধনী অবৈধ ঘোষণার রায়ের বিরুদ্ধে আপিল করা হবে : অ্যাটর্নি জেনারেল
- ৯। জেলা পরিষদ নির্বাচন আগামী ২৮ ডিসেম্বর : নির্বাচন কমিশনকে মন্ত্রণালয়ের চিঠি
- ১০। জাতিসংঘে প্রথম বাংলাদেশি প্ল্যানিং অফিসার নিয়োগ

১। **ভোট কেন্দ্রভিত্তিক কমিটি গঠন করে ভোটারদের কাছে যান**

: আওয়ামী লীগের জেলা নেতৃবৃন্দের প্রতি প্রধানমন্ত্রী

প্রধানমন্ত্রী শেখ হাসিনা আগামী নির্বাচনের জন্য দলের নেতাকর্মীদের এখন থেকেই প্রস্তুতি নেওয়ার নির্দেশ দিয়ে বলেছেন, ভোট কেন্দ্রভিত্তিক কমিটি গঠন করে ভোটারদের কাছে যান। কাজের মাধ্যমে জনগণের কাছাকাছি গিয়ে পাশে দাঁড়িয়ে মন জয় করে ভোটার বাড়াতে হবে। আওয়ামী লীগ ক্ষমতায় আসলে যে দেশের উন্নয়ন হয়, সেটা তাদের বোঝাতে হবে। জনগণকে জানাতে হবে। একই সঙ্গে দলকে সুসংগঠিত করতে হবে যাতে উন্নয়ন প্রবাহ ধরে রাখা যায়। গতকাল ২৪ অক্টোবর সোমবার গণভবনে আওয়ামী লীগের নবনির্বাচিত কমিটি ও জেলার সভাপতি-সাধারণ সম্পাদকদের সঙ্গে মতবিনিময়কালে প্রধানমন্ত্রী এসব কথা বলেন। সূত্র-ইত্তেফাক (পৃ.১,ক.৮), ভোরের কাগজ (পৃ.১,ক.৫), বাংলাদেশ টুডে (পৃ.১,ক.৫), ইন্ডিপেনডেন্ট (পৃ.১,ক.৬), জনকণ্ঠ, সমকাল, ইন্ডিপেনডেন্ট, নিউজ টুডে এ বিষয়ে লিড নিউজ ছেপেছে।

ভোরের কাগজ, যুগান্তর, সমকাল, ইন্ডিপেনডেন্ট, অবজারভার, ডেইলি স্টারসহ অধিকাংশ পত্রিকা এ বিষয়ে ছবিসহ খবর ছেপেছে।

২। **খেতাবপ্রাপ্ত ও যুদ্ধাহত মুক্তিযোদ্ধা এবং শহীদ পরিবারের ভাতা বেড়েছে**

: মন্ত্রিসভা কমিটির বৈঠকে সিদ্ধান্ত

খেতাবপ্রাপ্ত ও যুদ্ধাহত মুক্তিযোদ্ধা এবং শহীদ পরিবারের মাসিক সম্মানী ভাতা দ্বিগুণের বেশি বেড়েছে। এ জন্য গতকাল ২৪ অক্টোবর সোমবার সচিবালয়ে অনুষ্ঠিত মন্ত্রিসভার বৈঠকে 'খেতাবপ্রাপ্ত বীর মুক্তিযোদ্ধাদের সম্মানী ভাতা বিতরণ নীতিমালা ২০১৬'-এর খসড়া এবং 'খেতাবপ্রাপ্ত বীর মুক্তিযোদ্ধা, যুদ্ধাহত মুক্তিযোদ্ধা এবং শহীদ পরিবারবর্গের মাসিক সম্মানী ভাতা' বিতরণ নীতিমালা ২০১৬'-এর খসড়া এবং খেতাবপ্রাপ্ত মুক্তিযোদ্ধা, যুদ্ধাহত মুক্তিযোদ্ধা এবং শহীদ পরিবারবর্গের মাসিক সম্মানী ভাতা বৃদ্ধির প্রস্তাব অনুমোদন দেওয়া হয়। ২০১৬ সালের জানুয়ারি থেকেই নতুন ভাতা কার্যকর ধরা হয়েছে। সভা শেষে মন্ত্রিপরিষদ সচিব মোহাম্মদ শফিউল আলম এ তথ্য জানিয়ে বলেন, বীরশ্রেষ্ঠের ভাতা ১২ হাজার টাকা থেকে বাড়িয়ে ৩০ হাজার টাকা, বীর উত্তমদের ভাতা ১০ হাজার টাকা থেকে বাড়িয়ে ২৫ হাজার টাকা, বীর বিক্রমদের ভাতা আট হাজার টাকা থেকে বৃদ্ধি করে ২০ হাজার টাকা এবং বীর প্রতীকদের মাসিক ভাতা ছয় হাজার টাকা থেকে বাড়িয়ে ১৫ হাজার টাকা করা হয়েছে। সূত্র-সংবাদ (শেষ পৃ.ক.১), ভোরের কাগজ (শেষ পৃ.ক.২), বাংলাদেশ টুডে (পৃ.১,ক.১), নিউজ টুডে (পৃ.১,ক.৪), ভোরের কাগজ, এশিয়ান এজ এ বিষয়ে ছবিসহ খবর ছেপেছে।

৩। **দুর্নীতির বিরুদ্ধে গণসচেতনতা গড়ে তুলতে হবে : রাষ্ট্রপতি**

রাষ্ট্রপতি মো. আবদুল হামিদ সমাজে দুর্নীতির বিরুদ্ধে গণসচেতনতা গড়ে তোলার ওপর গুরুত্বারোপ করেছেন। দুর্নীতি দমন কমিশনের (দুদক) একটি প্রতিনিধিদল গতকাল ২৪ অক্টোবর সোমবার রাষ্ট্রপতির কাছে ২০১৫ সালের বার্ষিক প্রতিবেদন পেশ করতে গেলে তিনি এ কথা বলেন। চার সদস্যের প্রতিনিধিদলের নেতৃত্ব দেন দুদক চেয়ারম্যান ইকবাল মাহমুদ। সাক্ষাৎ শেষে রাষ্ট্রপতির প্রেস সচিব জয়নাল আবেদীন এ বিষয়ে অবহিত করেন। সূত্র-সংবাদ (শেষ পৃ.ক.৫), ভোরের কাগজ (পৃ.৩,ক.৫), সমকাল (পৃ.১৯,ক.৮), নিউ নেশন (পৃ.৩,ক.১)।

৪। **আওয়ামী লীগই অসহায় মানুষের পাশে দাঁড়ায় : স্বরাষ্ট্রমন্ত্রী**

স্বরাষ্ট্রমন্ত্রী আসাদুজ্জামান খান কামাল বলেছেন, একমাত্র আওয়ামী লীগই অসহায় মানুষের পাশে দাঁড়ায়। দেশের দরিদ্র জনগোষ্ঠীর ভাগ্যোন্নয়নে আওয়ামী লীগ নেতৃত্বাধীন বর্তমান সরকার মহাপরিকল্পনা নিয়েছে। এর প্রতিফলন ঘটাতে ইতোমধ্যে সরকার গ্রামভিত্তিক গরিব ও অসহায় মানুষের তালিকা তৈরি করছে। এতে জনগণের ভাগ্যের পরিবর্তন ঘটবে, দারিদ্র্য দূর হবে। গতকাল ২৪ অক্টোবর সোমবার ঢাকার দোহার উপজেলার মুকসেদপুর ইউনিয়নের মৌড়া আল-হানান এতিমখানার ৪ তলা আবাসিক ভবনের উদ্বোধন অনুষ্ঠান এবং পদ্মার ভাঙন ও বন্যায় ক্ষতিগ্রস্তদের মাঝে ত্রাণ বিতরণ অনুষ্ঠানে প্রধান অতিথির বক্তব্যে তিনি এসব কথা বলেন। সূত্র-যুগান্তর (পৃ.১৭,ক.৮),

৫। রাজনৈতিক জীবনের সর্বোচ্চ স্বীকৃতি পেয়েছি দলকে তৃণমূল পর্যন্ত শক্তিশালী করতে চাই

: সংবাদ সম্মেলনে আওয়ামী লীগের সাধারণ সম্পাদক এবং সড়ক পরিবহণ ও সেতুমন্ত্রী

আওয়ামী লীগের সাধারণ সম্পাদক এবং সড়ক পরিবহণ ও সেতুমন্ত্রী ওবায়দুল কাদের বলেছেন, আমি দলের সাধারণ সম্পাদকের দায়িত্ব পেয়ে জীবনের সর্বোচ্চ স্বীকৃতি পেয়েছি। গতকাল ২৪ অক্টোবর সোমবার রাজধানীর ধানমন্ডিস্থ প্রিয়াঙ্কা সেন্টারে আয়োজিত সংবাদ সম্মেলনে নবনির্বাচিত সাধারণ সম্পাদক এ কথা বলেন। সূত্র-সংবাদ (পৃ.১,ক.৬), ভোরের কাগজ (পৃ.১,ক.৮), নিউজ টুডে (পৃ.১,ক.৬), ডেইলি স্টার (পৃ.১,ক.৮)।

৬। ঢাকায় পররাষ্ট্র সচিব পর্যায়ে বৈঠকে বাংলাদেশের সঙ্গে সম্পর্ক দৃঢ় করতে আগ্রহী গ্রিস

বাংলাদেশের সঙ্গে বাণিজ্যিক ও অর্থনৈতিক সম্পর্ক আরও দৃঢ় করতে আগ্রহী গ্রিস। গতকাল ২৪ অক্টোবর সোমবার পররাষ্ট্র সচিব শহীদুল হকের সঙ্গে বৈঠকে গ্রিসের পররাষ্ট্র সচিব দিমিত্রিস পারাসকেভেলোয়াস এ আগ্রহের কথা জানান। একই দিনে গ্রিসের পররাষ্ট্র সচিব পররাষ্ট্র প্রতিমন্ত্রী শাহরিয়ার আলমের সঙ্গে সৌজন্য সাক্ষাৎ করেন। এ সময় বাংলাদেশে গ্রিসের দূতাবাস খোলার আহ্বান জানান প্রতিমন্ত্রী। রাষ্ট্রীয় অতিথি ভবন মেঘনায় দুই পররাষ্ট্র সচিবের এ বৈঠকটি হয়। এটি বাংলাদেশ ও গ্রিসের মধ্যে দ্বিতীয় ‘পলিটিক্যাল কনসালটেশন’ বা রাজনৈতিক পরামর্শ বৈঠক। এর আগে ২০১০ সালে প্রথম ‘পলিটিক্যাল কনসালটেশন’ অনুষ্ঠিত হয়। সূত্র-সমকাল (পৃ.৪,ক.২), বাংলাদেশ টুডে (পৃ.৩,ক.১), ইন্ডিপেনডেন্ট (পৃ.১৯,ক.২)।

৭। পিছিয়ে পড়া জনগোষ্ঠীকে এগিয়ে নিতে কাজ করছে সরকার

: প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা

প্রধানমন্ত্রীর তথ্য ও যোগাযোগ প্রযুক্তি বিষয়ক উপদেষ্টা সজীব ওয়াজেদ জয় বলেছেন, অন্য দেশ ও জাতির উপর নির্ভরশীল থাকতে চায় না বলেই বর্তমান সরকার শিক্ষা ও প্রশিক্ষণে সবচেয়ে বেশি গুরুত্ব দিচ্ছে। সরকার সব সময় দেশে পিছিয়ে পড়া জনগোষ্ঠীকে এগিয়ে নিতে কাজ করে যাচ্ছে। দেশের মানুষ বঙ্গবন্ধুর স্বপ্ন হিসেবে সোনার বাংলা গড়ে তাদের নিজের পায়ে দাঁড়াতে বলে তিনি আশাবাদ ব্যক্ত করেন। গতকাল ২৪ অক্টোবর সোমবার প্রধানমন্ত্রীর কার্যালয়ে ভিডিও কনফারেন্সের মাধ্যমে সিরাজগঞ্জের রায়গঞ্জ উপজেলায় আইটি কাম কারিগরি প্রশিক্ষণ ইন্সটিউটের উদ্বোধনকালে তিনি এ কথা বলেন। সূত্র-ইত্তেফাক (শেষ পৃ.,ক.৬), যুগান্তর (পৃ.৩,ক.৪), জনকণ্ঠ (পৃ.১,ক.৭), অবজারভার (শেষ পৃ.,ক.৪)।

৮। ষোড়শ সংশোধনী অবৈধ ঘোষণার রায়ের বিরুদ্ধে আপিল করা হবে : অ্যাটর্নি জেনারেল

অ্যাটর্নি জেনারেল অ্যাডভোকেট মাহবুবে আলম বলেছেন, বিচারপতি অপসারণ সংক্রান্ত সংবিধানের ষোড়শ সংশোধনী হাইকোর্ট অবৈধ ঘোষণা করায় এখন বিচারপতি অপসারণের কোনো আইন নেই। ফলে এ বিষয়ে সাংবিধানিক শূন্যতা বিরাজ করছে। গতকাল ২৪ অক্টোবর সোমবার নিজ কার্যালয়ে তিনি এসব কথা বলেন। অ্যাটর্নি জেনারেল বলেন, হাইকোর্ট এটাকে অবৈধ ঘোষণা করে রায় দিয়েছেন। দুজন বিচারপতি বলেছেন এটা অবৈধ, একজন বলেছেন বৈধ। এই রায়ের বিরুদ্ধে আমরা অবশ্যই আপিল বিভাগে আপিল করব। এক মাসের মধ্যে এটা করা সম্ভব বলে তিনি আশাবাদ ব্যক্ত করেন। সূত্র-ইত্তেফাক (পৃ.১,ক.১), জনকণ্ঠ (পৃ.১,ক.৪), বাংলাদেশ টুডে (পৃ.১,ক.৬), ইন্ডিপেনডেন্ট (পৃ.১,ক.৪)। ইনকিলাব, অবজারভার এ বিষয়ে লিড নিউজ ছেপেছে।

৯। জেলা পরিষদ নির্বাচন আগামী ২৮ ডিসেম্বর : নির্বাচন কমিশনকে মন্ত্রণালয়ের চিঠি

জেলা পরিষদ নির্বাচন আগামী ডিসেম্বর শেষ সপ্তাহে করার নীতিগত সিদ্ধান্ত নিয়েছে সরকার। এ লক্ষ্যে নির্বাচন কমিশনকে একটি চিঠি ইস্যু করেছে স্থানীয় সরকার মন্ত্রণালয়। গতকাল ২৪ অক্টোবর সোমবার স্থানীয় সরকার মন্ত্রণালয়ের উপসচিব জোবাইদা নাসরিন গণমাধ্যমে বিষয়টি নিশ্চিত করেন। তিনি বলেন আগামী ডিসেম্বর শেষ সপ্তাহে জেলা পরিষদ নির্বাচন করার নীতিগত সিদ্ধান্ত হয়েছে। সম্ভাব্য তারিখ নির্ধারণ করা হয়েছে ২৮ ডিসেম্বর। তবে তা পরিবর্তন হতে পারে বলেও জানান তিনি। সূত্র-ভোরের কাগজ (পৃ.১,ক.১), ইত্তেফাক (পৃ.১,ক.১), সমকাল (পৃ.৪,ক.৫), যুগান্তর (পৃ.৩,ক.২)।

১০। জাতিসংঘে প্রথম বাংলাদেশি প্ল্যানিং অফিসার নিয়োগ

জাতিসংঘ শান্তিরক্ষা বাহিনীর প্ল্যানিং অফিসার, পি-৪ পদে যোগ দিয়েছেন বাংলাদেশি পুলিশ কর্মকর্তা মো. জালাল উদ্দিন আহমেদ চৌধুরী। তিনি প্রথম কোনো পুলিশ কর্মকর্তা হিসেবে এ পদে যোগ দেন। এর আগে পুলিশ সদর দপ্তরের সহকারী মহাপরিদর্শক পদে মিডিয়া এন্ড পাবলিক রিলেশন্স শাখার দায়িত্বে ছিলেন তিনি। সুদানে জাতিসংঘ শান্তিরক্ষা বাহিনীর ইউনামিড দারফুর মিশনে যোগদানের জন্য গত ১ অক্টোবর ঢাকা ছাড়েন পুলিশের এই কর্মকর্তা। সূত্র-ভোরের কাগজ (শেষ পৃ.,ক.১)।

সম্পাদকীয়

- ক. জনকণ্ঠ, সমকাল, ইনকিলাব, ভোরের কাগজ, যুগান্তর, ইন্ডিপেনডেন্ট, ডেইলি সান, ডেইলি স্টার, নিউজ টুডে, অবজারভার : আওয়ামী লীগের নতুন নেতৃত্বকে অভিনন্দন জানিয়ে জনপ্রত্যাশাকে গুরুত্ব দিয়ে দেশে রাজনৈতিক সংস্কৃতির ইতিবাচক পরিবর্তনে এই নতুন নেতৃত্ব বিশ্বের ভূমিকা রাখবে এবং চ্যালেঞ্জ মোকাবিলা করবে বলে প্রত্যাশা ব্যক্ত।
- খ. ইন্ডেক্স : কমনওয়েলথ প্রণীত যুব উন্নয়ন সূচকে তরণদের কর্মসংস্থানে বাংলাদেশের অবস্থান তুলে ধরে বেকারত্ব দূরীকরণের লক্ষ্যে কারিগরি শিক্ষাকে প্রাধান্য দিয়ে দক্ষ মানবসম্পদ সৃষ্টির ওপর বিশেষ গুরুত্ব দেওয়ার আহ্বান।
- গ. সংবাদ : তিন পার্বত্য জেলা পরিষদের নির্বাচন ২৭ বছরেও না হওয়ায় গণতন্ত্র ও সুশাসনের স্বার্থে তিন পার্বত্য জেলা পরিষদের নির্বাচন জরুরি বলে অভিমত।
- ঘ. প্রথম আলো : কক্সবাজার সমুদ্র সৈকতের বালিয়াড়ি দখল করে ঘরবাড়ি তৈরি করায় সেখানকার পরিবেশ-প্রতিবেশ মারাত্মক হুমকির মুখে পড়ায় এ প্লট-বাণিজ্যের সাথে জড়িতদের বিরুদ্ধে কঠোর ব্যবস্থা গ্রহণের সুপারিশ।
- ঙ. যুগান্তর : ভূমি জরিপ মামলা নিয়ে বিচার প্রার্থীদের হয়রানি ও ভোগান্তি লাগবে ভূমি জরিপ ট্রাইব্যুনালগুলোয় মামলাজট দ্রুত নিষ্পত্তির ব্যবস্থা করার আহ্বান।
- চ. ইনকিলাব, নিউ এজ : জরুরি ভিত্তিতে আইন-শৃঙ্খলা রক্ষাকারী বিভিন্ন বাহিনী ও এজেন্সিগুলোর মধ্যে সমন্বয় ও চেইন অব কমান্ড প্রতিষ্ঠা করার ওপর গুরুত্বারোপ।
- ছ. ইন্ডিপেনডেন্ট : শিশুশ্রম লাঘবে দরিদ্র পরিবারের শিশুদের কারিগরি শিক্ষা কার্যক্রমের অধীনে এনে দক্ষ ও উপার্জনক্ষম করে গড়ে তোলার আহ্বান।
- জ. ডেইলি সান : দেশে ভাল ও উন্নতমানের পর্যাপ্ত কাগজ থাকা সত্ত্বেও বাংলাদেশ স্টেশনারি অফিসের বিদেশ থেকে কাগজ আমদানির পদক্ষেপ দেশীয় কাগজ শিল্পের জন্য মারাত্মক হুমকি হিসেবে দেখা দেওয়ার আশঙ্কা প্রকাশ।
- ঝ. ডেইলি স্টার : মেঘনা নদীর তীরের বহুমাত্রিক ফসলের উর্বর কৃষি জমি দখল করে অর্থনৈতিক অঞ্চল গড়ে তোলার প্রচেষ্টা দ্রুত বন্ধে কর্তৃপক্ষকে যথযথ পদক্ষেপ গ্রহণের সুপারিশ।
- ঞ. ফিনানশিয়াল এক্সপ্রেস : নাগরিকদের জন্য মানসম্পন্ন খাদ্য পণ্যের সরবরাহ নিশ্চিত করা সহ চরম দরিদ্র জনগোষ্ঠীর জন্য কমমূল্যে ও বিনামূল্যে দেওয়া খাদ্যপণ্য যেন নিশ্চয়ই না হয় তা নিশ্চিত করার ওপর গুরুত্বারোপ করে সম্পাদকীয় প্রকাশ করেছে।

উপ-সম্পাদকীয়

ভোরের কাগজ পত্রিকায় প্রকাশিত কলামে কৃষি জমির অপচয় রোধে কৃষি জমির ওপর চাপ কমিয়ে সুপারিকলিত আবাসনের ব্যবস্থা গড়ে তোলার বিষয়ে আলোকপাত করা হয়েছে।

নিবন্ধ ও ফিচার

যুগান্তর পত্রিকায় প্রকাশিত ‘উচ্চ শিক্ষার মান নিশ্চিত হবে তো?’ শিরোনামের নিবন্ধে ড. কুদরাত-ই-খুদা বাবু দেশ-জাতির বৃহত্তর স্বার্থেই শিক্ষা মন্ত্রণালয়, ইউজিসি ও অ্যাক্রিডিটেশন কাউন্সিলের উচিত হবে যেসব বেসরকারি বিশ্ববিদ্যালয়ের বিরুদ্ধে জঙ্গি সম্পৃক্ততা, সার্টিফিকেট বাণিজ্য করা, লেখাপড়ার মান সঠিকভাবে বজায় না রাখাসহ নানা অভিযোগ রয়েছে, সেগুলোর ব্যাপারে সঠিক তদন্তপূর্বক দ্রুত প্রয়োজনীয় ব্যবস্থা গ্রহণ করা হবে বলে অভিমত প্রকাশ করেছেন।

#

